



## 'Okusitino Ka'ili Fifita

November 22, 1959 - April 2, 2014

Tulou pea moe talamalu 'oe fonua pea moe fuka 'oku kei vilingia.  
Pea tapu moe ngaahi ha'a kotoa pe 'oku totonu keu fakatapua.  
Kae 'ata mu'a ke lafo lalo atu hoku 'apisia tu'a'ni.

Kia Taufu Fangupo pea mo Toamotu  
mo hou'eiki Moala Le'o Pupungatoa  
Mo ha'a tauhi fonua ki he tu'aa Koloa Vava'u kia Palefau ki Tu'anekeviale  
Fakatoufifita moe kainga ki Ofu Vava'u  
Kia Lauaki mo 'Ahokatoanga moe kainga Talafo'ou  
Kia Afu Ha'alaufuli moe kainga 'oe uitou ki Ha'alaufuli

Ki he fanau moe fanga makapuna 'o Latu Fa'aumu ki Kameli Vava'u  
Fanau moe fanga makapuna 'o Paula Lolo ki Tu'anekeviale  
Fanau moe fanga makapuna 'o Sione Vatikani ki Ta'anea.  
Fanau moe faka makapuna 'o Epeli Fonua ki Koloa Vava'u  
Fanau moe faka makapuna 'o Kaati Liongi ki Neiafu Vava'u  
Kia Latu Niupulu Helepiko moe kainga kotoa ki Falaleu  
Kia Salote Vilaikupu ki Kolomotu'a

Ki he fanau moe faka makapuna 'o Siutaisa Paea Paasi ki Tu'anekeviale  
Fanau moe faka makapuna 'o 'Akesa Paea Taukolo ki Ofu Vava'u  
Fanau moe faka makapuna 'o Hema Paea ki Koloa  
Fanau moe faka makapuna 'o Pili Paea  
Moe fanau moe faka makapuna 'o 'Ana 'Anau Paea Pongi  
Fanau moe makapuna 'o Felila 'Asi Leimatua  
Fanau moe makapuna 'o Eva Kaepuli Paea ki Koloa  
Fanau moe fanga makapuna 'o Sione Kuli ki Koloa Vava'u

Kia Foaki Fifita , Sione Kiteau, Vaka Kaufusi, Kautai, Sifa 'Ahoafi, Fotu pea mo Molitika ki  
Koloa Vava'u, 'ae fanau moe makapuna 'o Folau Pauni, Tevita Kata moe kainga kotoa ki

Ha'alaufuli, kia Nasoni fanau moe fanga makapuna 'o Kepueli Puteni, Mosese Havea ki Mangia Vava'u. Manusiu Tupou, Taniela 'Otuhouma, Sione Tovi moe kainga kotoa ki Mangia Vava'u. Ki he fanau moe faka makapuna 'o Palu ki Ta'anea. Ki he famili kotoa pe 'oe pekia ki Mangia, Houma, Haakio 'oku 'ikai a'u atu kiai 'ae popoakini fakamolemole'i ange au mo hoku to nounou.

Pea kuou ongo'i lahi mo'oni ke fakahoko atu kuo totakutaku 'ae matangi kihe 'Ana 'o Hina pea kuo houhou 'ae Tu'aa Koloa pea kuo fasi ai 'ae peau ta'ane 'one fakalaka he fu'u maka ko Lalo Makafasi 'one kapa ai si 'oku loto falemasiva, pea kuo 'ai tauanga'a ai 'ae Otu-fanga-valu pea kuo longo noa 'a Ha'afuluhao pea kuo toutounoa 'e Falaloutoa moe Tongo fionoa he koe ta kuo ongo koe to'o 'ae fuatapu na'e fai kiai 'ae falala 'o ne ui ai 'ae tamai koe tokoua ka koe tamaio'eiki faitonunga 'i he famili, fonua moe lotu 'one ui ai 'a si'oku husepaniti, ofa'anga ko 'Okusitino Ka'ili Paea Fifita pea 'oku 'ikai ke fai ha hanu pe launga he koe pule ma'oni'oni ia 'ae Tamai Hevani he koia na'ane foaki pea koia kuone toe to'o(tapu ange mo la) tau tali pe mo fakafeta'i. 'Ofa lahi atu mei he uitou Mele Lea'atoa Pauni Paea Fifita moe fanau paea.

Pehe meihe ongomatu'a 'ae pekia 'Eva Kaepuli Paea mo Melania Paea.

'E kainga koe nofo'aki me'a 'oe me'a faka'eiki 'o Ka'ili 'oku fai pe 'a hono tali, ki he 'api'anga 'oe Uitou moe fanau paea: 2104 W Camelot Way (7125 S) West Jordan, Ut 84084

Location: LDS Tongan South Stake Center 4660 West 5015 South, Kearns, UT 84118

Time: Friday 11th of April, 2014 from 6:00-10:00 pm

Saturday (same location) family viewing 8:30-10:30

Funeral Service from 11:00-12:00 am

Interment West Jordan City Cemetery 1300 West 7800 South West Jordan, Ut

Services are under the direction of Peni Malohifo'ou of Serenity Funeral Home

# Cemetery Details

## West Jordan City Cemetery

1300 West 7800 South  
West Jordan, UT 84084

# Previous Events

## Viewing

APR 11. 6:00 PM - 10:00 PM (MT)

Tongan South Stake Center  
4660 West 5015 South  
Kearns, UT 84118

## Family Viewing

APR 12. 8:30 AM - 10:30 AM (MT)

Tongan South Stake Center  
4660 West 5015 South  
Kearns, UT 84118

## Funeral Service

APR 12. 11:00 AM - 12:00 PM (MT)

Tongan South Stake Center  
4660 West 5015 South  
Kearns, UT 84118

# Tribute Wall



“ *'Okusitino Ka'ili Fifita*

---

October 05, 2023 at 07:49 PM